

## 描写清明节的诗

1.  
芳原绿野恣行时，春入遥山碧四围。兴逐乱红穿柳巷，困临流水坐苔矶。  
莫辞盏酒十分劝，只恐风花一片飞。况是清明好天气，不妨游衍莫忘归。  
——程颢《郊行即事》

2.  
风风雨雨梨花，窄索帘栊，巧小窗纱。甚情绪灯前，客怀枕畔，心事天涯。  
三千丈清愁鬓发，五十年春梦繁华。蓦见人家，杨柳分烟，扶上檐牙。  
——乔吉《折桂令·客窗清明》

3.  
清明时节雨纷纷，路上行人欲断魂。借问酒家何处有？牧童遥指杏花村。  
——杜牧《清明》

4.  
帝里重清明，人心自愁思。车声上路合，柳色东城翠。花落草齐生，莺飞蝶双戏。  
空堂坐相忆，酌茗聊代醉。——孟浩然《清明即事》

5.  
街头女儿双髻鸦，随蜂趁蝶学夭邪。东风也作清明节，开遍来禽一树花。  
——陈与义《清明二绝·其一》

6.  
蚤是伤春梦雨天，可堪芳草更芊芊。内官初赐清明火，上相闲分白打钱。  
紫陌乱嘶红叱拨，绿杨高映画秋千。游人记得承平事，暗喜风光似昔年。  
——韦庄《长安清明》

7.

问西楼禁烟何处好？绿野晴天道。马穿杨柳嘶，人倚秋千笑，探莺花总教春醉倒。——王磐《清江引·清明日出游》

8.  
清明节，雨晴天，得意正当年。马骄泥软锦连乾，香袖半笼鞭。花色融，人竟赏，尽是绣鞍朱鞅。日斜无计更留连，归路草和烟。——薛昭蕴《喜迁莺·清明节》

9.  
清明时节雨声哗。潮拥渡头沙。翻被梨花冷看，人生苦恋天涯。燕帘莺户，云窗雾阁，酒醒啼鸦。折得一枝杨柳，归来插向谁家。——张炎《朝中措·清明时节》

10.  
清明天气，永日愁如醉。台榭绿阴浓，薰风细。燕子巢方就，盆池小，新荷蔽。恰是逍遥际。单夹衣裳，半笼软玉肌体。石榴美艳，一撮红绡比。窗外数修篁，寒相倚。有个关心处，难相见，空凝睇。行坐深闺里，懒更妆梳，自知新来憔悴。——杜安世《鹤冲天·清明天气》

11.  
一郡官闲唯副使，一年冷节是清明。春来春去何时尽，闲恨闲愁触处生。漆燕黄鹂夸舌健，柳花榆荚斗身轻。脱衣换得商山酒，笑把离骚独自倾。——王禹偁《清明日独酌》

12.  
清娥画扇中，春树郁金红。出犯繁花露，归穿弱柳风。马骄偏避幟，鸡骇乍开笼。柘弹何人发，黄鹂隔故宫。——温庭筠《清明日》

13.  
耕夫召募爱楼船，春草青青万顷田。试上吴门窥郡郭，清明几处有新烟。——张继《阆门即事》

14.  
满衣血泪与尘埃，乱后还乡亦可哀。风雨梨花寒食过，几家坟上子孙来

? ——高启《送陈秀才还沙上省墓》

15.

洒洒沾巾雨，披披侧帽风。花燃山色里，柳卧水声中。石马立当道，纸鸢鸣半空。墟间人散後，乌鸟正西东。——范成大《清明日狸渡道中》

16.

南北山头多墓田，清明祭扫各纷然。纸灰飞作白蝴蝶，泪血染成红杜鹃。日落狐狸眠冢上，夜归儿女笑灯前。人生有酒须当醉，一滴何曾到九泉。——高翥《清明日对酒》

17.

新烟着柳禁垣斜，杏酪分香俗共夸。白下有山皆绕郭，清明无客不思家。卞侯墓下迷芳草，卢女门前映落花。喜得故人同待诏，拟沽春酒醉京华。——高启《清明呈馆中诸公》

18.

清明上巳西湖好，满目繁华。争道谁家。绿柳朱轮走钿车。游人日暮相将去，醒醉喧哗。路转堤斜。直到城头总是花。——欧阳修《采桑子·清明上巳西湖好》

19.

暖日宜乘轿，春风堪信马。恰寒食有二百处秋千架。对人娇杏花，扑人飞柳花，迎人笑桃花。来往画船边，招飏青旗挂。——白朴《庆东原·暖日宜乘轿》

20.

梨花风起正清明，游子寻春半出城。日暮笙歌收拾去，万株杨柳属流莺。——吴惟信《苏堤清明即事》

本文链接：<https://duanjuziku.com/duanjuzi/eslm877mg3.html>